

समां - 12:25 hrs.

LG-APCON

उपराज्यपाल मनोज सिन्हा होरें ओर्टिफिशल इंटेलिजेंस ते आंकड़े दा आकलन करने दी जरूरता गी उजागर कीता। उनें इस प्रक्रिया राएं पारदर्शिता ते रफ्तार औने ते विज्ञान ते दोआइयें बशकार पुल गी मजबूती थोने दी गल्ल आखी। सेहत सरबन्धी दिक्ख-भाल आहले सरिस्ते च जांच च स्पष्टता ते इलाज च लग्गने आहले समें गी घटट् करने पर ध्यान देना लोड़चदा। एह गल्ल उनें APCON 2025 दे उदघाटनी सत्र गी सम्बोधित करदे होई आखी। इंडियन एसोसिएशन ऑफ Pathologist-Indian Division दी जी.एम.सी. जम्मू च 73में सालाना सत्र दा उपराज्यपाल होरें उदघाटन कीता।

5 रोजा सालाना कांफ्रेंस दा विशे सार ऐ- Pathology च आवा रदे नमें बदलाव Morphology थवां Molecular Insights.

CM –Unemployment

मुकखमंत्री उमर अब्दुल्ला होरें जोर देइयें आखेया ऐ जे बे-रोजगारी दी समस्या छड़ा सरकारी नौरियां देइयें गै हल नेंई होई सकदी। एह गल्ल उनें बडगाम च इक जायजा बैठक च आखी। मुकखमंत्री होरें आखेया जे प्रशासन गी युवाएं तगर पुज्जना लोड़चदा। मिशन

“युवा” दी सफल कहानियें गी सांझा करना लोड़चदा ते युवाएं गी स्वयं-रोजगार ते उद्यमी बनने लेई प्रेरित करना लोड़चदा। मुखमंत्री होरें समे-सिर उपलब्ध विशेष सहायता दा युक्तिसंगत तरीके ते जिम्मेदाराना ढंगें सिर इस्तेमाल करने पर जोर पाया। उनें आखेया जे विशेष सहायता सरबन्धी स्कीम तैहत 80 फीसद फंड समें-सिर खर्च होने लोड़चदे तां जे इसदा ते बनकदा लाह हासिल होई सकै।

<><><><><><>

CM –Dev. Projects

मुखमंत्री होरें उमर अब्दुल्ला होरें कल बडगाम जिले च तकरीबन 100 करोड़ रपे दी लागत आहले केंई सारे विकास कम्में दा उदघाटन कीता ते केंइयें दा नीह पत्थर रखेया। इनें परियोजनाएं च पानी सप्लाई स्कीमां शामिल न। मुखमंत्री होरें मल्टी -लेवल कार पार्किंग आहली सुविधा दे कम्मै दा निर्माण कम्म शुरु करोआया। उनें Kadalbal- लासजान सिड़क दा दर्जा बदाने ते वीरवाह च स्टील ब्रिज दे निर्माण दा निह पत्थर रखेया। इसदे कन्नै इस इलाके दे लोकें गी बड़ा मता लाह होग।

<><><><><><>

Satish -Chhamb Visit

परिवाहन मंत्री सतीश शर्मा होरें कल छंब क्षेत्र दे बक्ख-बक्ख इलाकें ते उसदे कन्नै लग्गदे इलाके दा दौरा लाया। उनें इस क्षेत्र दे सरकारी बुनियादी ढांचे दा मुआयना ते लोक सेवाएं दी समीक्षा कीती। मंत्री होरें जिनें इलाकें दा दौरा लाया उंदे च चौकी-चौरा- सुंदरबनी- नीली

नाला- मल्लाह बरोटे- नत्थल- डोरी- डागरे ते कन्नै लग्गदे बक्ख-बक्ख इलाके शामिल न। सतीश शर्मा होरें स्कूली ईमारतें- सरकारी दफ्तरें ते लोक सेवाएं दा मुआयना करदे होई उत्थे शैक्षिक सुविधाएं- स्टॉफ दी उपलब्धता- स्वच्छता ते बुनियादी सुविधाएं दी स्थिती दी समीक्षा कीती। मकामी लोकें कन्नै गल्लबात करदे होई मंत्री होरें आखेया जे सरकार दा ध्यान इत्थु दी बुनियादी जरूरतें गी पूरा करने ते लोकें दी शकैते गी दूर करने उप्पर ऐ।

<><><><><><>

CS- Solar Park

मुख्य सचिव अटल डुल्लु होरें नमी ते अक्षय ऊर्जा मंत्रालय दी सौर पार्क योजना दे तैहत जम्मू-कश्मीर च बड्डे पैमाने पर सौर पार्क स्थापित करने दी संभावना दी समीक्षा लेई इक बैठक दी अध्यक्षता कीती ते संभागीय प्रशासनं गी निर्देश दिता जे ओह इस परियोजना लेई उपयुक्त जमीन दी पंछान करन ते इस कम्मै च तेजी आहन्न- डुल्लु होरें विज्ञान ते प्रोद्योगिकी मैहकमे दी अजें तक्कर हासल प्रगति ते इस पैहलकदमी गी अगगें बधाने लेई लोइचदे तरीकें गी तयार करने लेई सराहना कीती। उनें इस गल्लै पर जोर दिता जे सौर ऊर्जा दा सदुपयोग जम्मू-कश्मीर दे अक्षय ऊर्जा Portfolio गी मजबूत करने ते परम्परागत बिजली स्रोतें पर निर्भरता गी घट्ट करने लेई मता जरूरी ऐ।

<><><><><><>

DGP -Security Review

DGP नलीन प्रभात होरें कल उधमपुर जिले दा दौरा लाया ते उत्थे जारी आपरेशन ते समग्र सुरक्षा स्थिति दी समीक्षा कीती। आकाशवाणी जम्मू दे संवाददाता दी रिपोर्ट मुजब अंदरुनी ते बन्ने आहले इलाकें च जमीनी स्तर उप्पर पुलस ते सुरक्षाबलें तक्कर पुज्ज बनाने दे जतनें दे चलदे DGP होरें बसंतगढ़ इलाके दे अपने दौरे दरान जारी कारवाइयें दी समीक्षा कीती ते सब्बनें बलें दे अफसरें कन्नै इक सांझी बैठक दी अध्यक्षता कीती। DGP हुंदे कन्नै इस दौरे च IGP जम्मू B.S. Tuti- IG CRPF Gopal Rao- SSP Udhampur Amod Nagpura ते CRPF ते सेना दे अफसर बी शामिल हे।

<><><><><><>

Narco Terrorism

इक बड्डी सफलता दे तौरा पर जम्मू पुलस नै वीरवारें बन्नै पारा दे नार्को आतंकवाद नेटवर्क दा पर्दाफाश कीता। इस च 6 लोकें गी गिरफ्तार कीता गया ते कन्नै हथियारें दे कन्नै- कन्नै 5 Kg. हिरोईन बी जब्त कीती गई। आकाशवाणी जम्मू दे संवाददाता दी रिपोर्ट मुजब बरामद कीते गेदे कांटाबैंड दी कीमत अंतराष्ट्रीय बाजार च 30 करोड़ रपे शा मती ऐ। एस.पी. जम्मू साउथ अजय शर्मा होरें दस्सेया जे इस कारवाई दे चलदे इस गिरोह दे 6 सदस्यें गी गिरफ्तार कीता गया ऐ- जिंदे चा 4 गी न्यायिक हिरासत च भेजी दिता गया ऐ। पुलस नै तकरीबन 5 किलो हिरोईन ते त्रै-पस्तोलां बरामद कीतियां न- जिसदे चलदे पाकिस्तानी हैंडलरें कन्नै जुड़े दे इक बड्डे नशा तस्करी मॉड्यूल दा पता लगगेया ऐ।

<><><><><><>

Spl. Prog. Announcement

आकाशवाणी जम्मू दा क्षेत्रीय समाचार इकाई- 6 दिसम्बर 2025 गी अपने 55में स्थापना दिन दे मौके पर 30 मिन्टें दा इक विशेष कार्यक्रम प्रसारित करोग। इस विशेष कार्यक्रम दा विशे होग- “क्षेत्रीय समाचार एकांश जम्मू दे 54 बरे दा सफर” इस विशेष कार्यक्रम दा प्रसारण शनिवारें 6 दिसम्बर गी साइडे 12 बजे कीता जाग। इस कार्यक्रम च साबका RNU प्रधान- संपादकीय स्टॉफ- News Readers ते साहदे श्रोता- न्यूज युनिट दे कम्मकाज बारे अपने विचार सांझे करगंन। कार्यक्रम दी मेजबानी सादे एंकर विजय बजाज होर करगंन। एह कार्यक्रम तुस Medium Wave 303 Mtr. यानि 990 Khz ते FM 100.3 Mhz पर सुनी सकदे ओ।

<><><><><><>